

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
SLUŽBA ZA PRIVREDU, GRADSKU IMOVINU I UPRAVLJANJE RAZVOJEM

Broj: 06-45-18500/22
Zenica, 08.09.2022. godine

STRUČNA SLUŽBA GRADSKOG VIJEĆA

Predmet: Stav o podnesku Durmiš Ređiba , dostavlja se

Poštovani,

Vlasnik Farme "DURMIŠ "Briznik 43 Zenica, Ređib Durmiš se obratio Stručnoj službi Gradskog vijeća u vezi problematike najezde divljih svinja. Isti dopis sa priložima je proslijeđen ovoj Službi da da svoj stav. U proteklom period smo imali usmene žalbe od strane poljoprivrednih proizvođača iz mnogih MZ (Pepelari, G. Zenica, Vranduk, Babino, Gradina, Osredak) zbog šteta na usjevima koje su im nanijele divlje svinje. Služba za privredu, gradsku imovinu i upravljanje razvojem je razmotrila dopis i usmene pritužbe poljoprivrednih proizvođača te daje :

INICIJATIVU

kojom se predlažu izmjene dole navedenih članova Zakona o lovstvu (Službene novine Federacije BiH, broj 4/06,8/10,81/14) da bi se zaštitila imovina i usjevi poljoprivrednih proizvođača.

1. Član 17. Stav 1. Lovostajem zaštićena divljač je: mrki medvjed na uzgojnim područjima, srna, divokoza, obični jelen, jelen lopatar, muflon, zec, vuk, kuna zlatica, kuna bjelica, divlja svinja, europski dabar, veliki tetrijeb-mužjak, fazan, prepelica, jarebica kamenjarka, jarebica poljska, jarebica šumska – mužjak, šljuke, divlji golubovi, grlica, divlje patke, divlje guske i crna liska.

Mijenja se u: Lovostajem zaštićena divljač je: mrki medvjed na uzgojnim područjima, srna, divokoza, obični jelen, jelen lopatar, muflon, zec, vuk, kuna zlatica, kuna bjelica, europski dabar, veliki tetrijeb-mužjak, fazan, prepelica, jarebica kamenjarka, jarebica poljska, jarebica šumska –mužjak, šljuke, divlji golubovi, grlica, divlje patke, divlje guske i crna liska.

Obrazloženje: Iz člana se izbacuje divlja svinja, jer ona pravi najveće štete u periodu lovostaja kada su zasijane/zasađene poljoprivredne kulture.

2. Član 19. Stav 2. Odobrenje za smanjenje broja zaštićene divljači i način izvršenja izdaje federalni ministar na temelju zahtjeva zainteresiranih, a po pribavljanju mišljenja korisnika lovišta i veterinarske službe.

Mijenja se u: Odobrenje za smanjenje broja zaštićene divljači i način izvršenja izdaje kantonalni ministar na temelju zahtjeva zainteresiranih, a po pribavljanju mišljenja korisnika lovišta i veterinarske službe.

Obrazloženje: Procedura izdavanja odobrenja je duga i komplikovana te bi se postupak odobrenja skratio i spasili usjevi od divljih svinja.

Član 68. Stav 2. Vlasnici zemljišta i stoke, odnosno korisnici zemljišta na kome je osnovano lovište dužni su na zemljištu , objektima gdje stoka obitava i opremi koja se koristi u obradi zemlje poduzimati uobičajene mjere za sprečavanje šteta od divljači i na divljači (učinkovitim ogradama, električnim pastirom, postavljanjem plašila, zaštitom mladih sadnica omotavanjem ili premazivanjem, ispašom stoke sa pastirom na površinama dozvoljenim za pašu, postavljanjem plašilica na kosačice i na kombajne, sudjelovanjem u organiziranom progonu i sl).

Mijenja se u: Vlasnici zemljišta i stoke, odnosno korisnici zemljišta na kome je osnovano lovište dužni su na zemljištu , objektima gdje stoka obitava i opremi koja se koristi u obradi zemlje poduzimati uobičajene mjere za sprečavanje šteta od divljači i na divljači (postavljanjem plašila, zaštitom mladih sadnica omotavanjem ili premazivanjem, ispašom stoke sa pastirom na površinama dozvoljenim za pašu, postavljanjem plašilica na kosačice i na kombajne, sudjelovanjem u organiziranom progonu i sl).

Obrazloženje: Divlje svinje koje pričinjavaju štetu su rušile postavljenje ograde, a poljoprivredni proizvođači koji zakupljuju velike površine nisu u finansijskoj mogućnosti da iste ograđuju, jer bi to poskupilo već skupu poljoprivrednu proizvodnju.

S poštovanjem,

Dostavljeno:

1x Naslovu

1x a/a



POMOĆNICA GRADONAČELNIKA

Amra Mehmedić dipl. bec

Huzbo za parcelu!
Slug.

„Farma Durmiš“

ID broj: 4319903430002

Briznik 43

72000 Zenica

Bosna i Hercegovina

Inicijativa gradskog vijeća
Zenica

DOPIS

Obraćam se gradskom vijeću sa problemom najezde divljih svinja. Imao sam posijano oko 70(sedamdeset) duluma raznih vrsta žitarica, a divlje svinje su mi uništile 50% zasijane količine žitarica. Mnogi mještani imaju isti problem sa uništavanjem usjeva od divljih svinja. Razgovarao sam sa lovcima koji imaju lovačku kuću sagrađenu uz zasijanu površinu. Rečeno mi je da ih ne smiju ubijati jer nije sezona lova na divlje svinje.

Obraćao sam se Federalnom i kantonalnom ministarstvu za poljoprivredu, međutim nisam dobio konkretan odgovor o naknadi štete. U prilogu vam dostavljam odgovore od ministarstva.

Molim da se razmotri ovaj problem nas poljoprivrednika koji imaju ovu vrstu problema sa divljim svinjama.

U prilogu dostavljam fotografije uništenih zasjeva.

IZJAVU DAO

DURMIŠ REĐIB
Durmiš Ređib

Zenica, 29.08.2022. godine



Durmiš Redib-Farma Durmiš
Briznik 43
Zenica

Zenica, 27.07.2022. godine

Vaš znak:

Naš znak: 05-11-11249-/22

Predmet: Odgovor, dostavlja se

Dana 19.07.2022. godine na protokolu Zeničko-dobojskog kantona zaprimljen je Vaš upit od 18.07.2022. godine, kojim tražite informaciju kome se treba obratiti za naknadu štete poruzrokovne najezdom divljih svinja koje slobodno šetaju, uništavaju i jedu poljoprivredne proizvode.

Imajući u vidu navedeno obavještavamo Vas, Članom 73. stav (1) Zakona o lovstvu („Službene novine Federacije BiH, broj: 4/06, 8/10 i 81/14), je propisano: „prijava o pričinjenoj šteti od divljači podnosi se kantonalnom ministarstvu odmah, a najkasnije u roku od tri dana od kada je šteta nastala”.

U stavu (2) navedenog člana je propisano: „Kantonalno ministarstvo dužno je odmah, a najkasnije tri dana od dana prijema prijave štete odrediti komisiju za utvrđivanje štete i procjenu vrijednosti”.

Uz prijavu o pričinjenoj šteti, odnosno zahtjev za naknadu štete nastale od strane divljači na poljoprivrednim kulturama dostavlja se slijedeća dokumentacija:

- zemljišnoknjižni izvadak parcele/la u privatnom vlasništvu na kojoj/im su zasijane poljoprivredne kulture na kojim je nastala šteta od strane divljači-divljih svinja, original ili ovjerena kopija ne starija od šest 6 mjeseci,
- posjedovni list parcele/la u privatnom vlasništvu na kojoj/im su zasijane poljoprivredne kulture na kojim je nastala šteta od strane divljači-divljih svinja, original ili ovjerena kopija ne starija od šest 6 mjeseci,
- kopiju katastarskog plana parcele/la u privatnom vlasništvu na kojoj/im su zasijane poljoprivredne kulture na kojim je nastala šteta od strane divljači-divljih svinja, original ili ovjerena kopija ne starija od šest 6 mjeseci,
- identifikaciju parcele/la u privatnom vlasništvu na kojoj/im su zasijane poljoprivredne kulture na kojim je nastala šteta od strane divljači-divljih svinja, po starom i novom premjeru, original ili ovjerena kopija ne starija od šest 6 mjeseci,
- kantonalnu administrativnu taksu u iznosu od 3,00 KM i 10,00 KM, u taksenim markama ili uplatom na račun Budžeta Zeničko-dobojskog kantona broj: 1340100000001672, otvoren kod ASA Banka Dioničko Društvo Sarajevo (ASA Banka d.d. Sarajevo), vrsta prihoda 722121, Grad Zenica: 103, budžetska organizacija 2301001.

Ukoliko parcela/le na kojoj/im su zasijane poljoprivredne kulture na kojim je nastala šteta od strane divljači-divljih svinja nije u Vašem posjedu i vlasništvu, potrebno je da pored navedene dokumentacije dostavite i ovjerenu kopiju ugovora o zakupu iste/ih sa posjednikom i vlasnikom istih.

Dostavljeno:

1 x Durmiš Redib-Farma Durmiš, Briznik 43, Zenica,
1 x a/a.

Obrađivač akta: Amira Jusufbašić

Amira Jusufbašić



MINISTAR

Mirsad Hadžić



Broj: 08-1-22/8-1384/22 M.B.
Sarajevo: 25.07.2022. godine

„FARMA DURMIŠ“
Briznik br. 43, Zenica

Predmet: Obavještenje, dostavlja se -
Veza: Vaš akt od 18.07.2022. godine

Poštovana,

Povodom Vašeg akta, kojim ovo Ministarstvo obavještavate o problemu povećanih šteta koje Vam na poljoprivrednim usjevima pričinjava divlja svinja, te tražite pojašnjenje vezano za postupak nadoknade štete pričinjene od strane zaštićene divljači, upućujemo na sljedeće:

Zakonom o lovstvu ("Službene novine Federacije BiH" ", br. 4/06, 8/10 i 81/14) propisan je postupak nadoknade štete koju počinji zaštićena divljač, kao i mjere za sprječavanje šteta koju divljač može učiniti imovini ili ljudima na zemljištu i vodi na kojima se nalazi lovište.

Postupak koji treba da se provede prilikom nastale štete uzrokovane od strane zaštićene vrste divljači je sljedeći:

U skladu članom 73. Zakona o lovstvu prijavu o pričinjenoj šteti od divljači oštećeni podnosi nadležnom kantonalnom ministarstvu odmah, a najkasnije u roku od tri dana od dana kada je šteta nastala.

Kantonalno ministarstvo dužano je odmah, a najkasnije 3. dana po prijemu prijave štete odrediti komisiju za utvrđivanje uzroka štete i procjenu vrijednosti.

Komisiju sačinjavaju tri člana: predstavnik kantonalnog ministarstva (predsjednik komisije), stručno lice za procjenu vrijednosti štete (poljoprivredni ili veterinarski stručnjak) i stručno lice za utvrđivanje uzroka štete (vještak za lovstvo), šumarske, veterinarske, poljoprivredne ili biološke struke sa iskustvom na tim poslovima.

Komisija je dužna da odmah izvrši uviđaj i na licu mjesta uz prisustvo oštećenog i predstavnika korisnika lovišta, između ostalog, utvrdi i zapisnički konstatuje mjesto i način nastanka štete, znakove koji upućuju na određenu vrstu divljači, obim i visinu štete, kao i preduzete mjere oštećenog prije i poslije počinjene štete.

Član 70. stav 1. pomenutog zakona propisuje: „Za štetu koju počinji lovostajem zaštićena divljač odgovoran je korisnik lovišta u čijem je lovištu šteta učinjena, ukoliko je oštećeni preduzeo propisane mjere zaštite”.

Članom 17. Zakona o lovstvu divlja svinja je proglašena lovostajem zaštićena vrsta divljači.

U skladu sa članom 74. pomenutog zakona kantonalno ministarstvo nakon prijema zapisnika komisije, ako su ispunjeni uslovi, pokušat će sporazumno utvrditi štetu između oštećenog i korisnika lovišta.

Ako ne dođe do sporazuma oštećeni će se pravno uputiti za podnošenje tužbe nadležnom sudu u pogledu utvrđivanja štete i njene visine.

S poštovanjem,

DOSTAVLJENO:

1. Naslovu;
2. FMPVŠ, Sektor za šumarstvo i lovstvo;
3. Arhiva.









